

四庫全書

集部

欽定四庫全書

少室山房集卷六十七

明 胡應麟 撰

七言排律一十四首

俠客行六十四韻

朝端新拜大長秋，賜第東方最上頭。  
曲榭華甍藏燕雀，畫堂飛棟列貔貅。  
論功肯就平陽列，相骨爭誇定遠儔。  
太宰均裨容接席，中丞停節讓鳴騶。  
前筇鼓角陳清吹，

後隊旌旌樹碧油幾為高名羅薊徼時從長揖見曹丘  
雄心黯淡操戈發奇策縱橫借箸籌博浪誤驚嬴主中  
白登長抱沛王羞長驅欲踐天驕血轉戰思椿日逐喉  
然諾季心輕海岱風聲劇益重山丘朱家緩頰共排難  
郭解捐軀代報仇八百家奴懷蜀鏹三千門客佩吳鉤  
登壇辟易漁陽師分道憑陵博陸侯向晚章臺嘶叱撥  
深春韋曲叫鈎輈麒麟閣聳飛身上鵷鵠宮扃掉臂遊  
入幕嘉賓窺喜怒當場摩詰效俳優行漢帝令衷甲

清暇唐宗待蹴毬絕代妖童顏比鄭傾城小史貌逾周  
頻呼第五嬉金埒屢竊無雙下玉樓貴介原嘗元並峙  
奢靡王石定誰優雙珠跳脫迎無畏百寶流蘇障莫愁  
雲母屏開紅日耀水晶簾捲碧天幽燈籠錦織流黃被  
火浣衫襦集翠裘五彩同心饒綰結七珍如意競雕鏤  
盈拳韎韐商胡贈徑尺瑯玕貴主求象齒穹隆米絕域  
蛟精瑩膩出靈湫齊璜楚珉相輝映魯壁秦碑互校讐  
彝鼎蚩尤存大夏尊罍饗饗驗成周華箋溢案鍾王聚

妙墨盈箱顧衛留綠莖遺踪看載闢藍田名蹟羨重修  
為園直跨新豐市鑿沼斜穿太液流曲島迴汀浮灩澦  
孤峰層巘矗瀛洲宮曉睥睨通河漢巖嶭累愚礙斗牛  
泉美乍分揚子渡石竒先載鬱林州偏箱絡繹馳山荔  
巨舶聯翻餉海榴選匠荆揚喬木盡營工川洛衆材鳩  
瓜田灞澹聯郊隧柳陌咸陽夾置郵十院名花行索笑  
八窻文杏坐銷憂松風晝起娛貞白竹露晴翻媚子猷  
芳草夢時連驟靚蟠桃栽處朔勤偷相思樹底閒情劇

連理枝旁逸興適茁茁飄香紫桂聞芙蓉輸艷撲蘭舟  
青萍瑞實浮江上綠萼寒英寄隴頭俊鵲東方勞遠致  
神鷹南國費窮蒐爰居受享翻成福吉了能言不解愁  
子母玄猿攜上峽雌雄丹鶴貯浮丘當階檜柏龍鱗勁  
側徑梧桐鳳羽稠把釣文魚時撥刺開籠細鳥日啁啾  
玻瓈盞淨屠蒼鹿瑪瑙盤殷膾赤虬食進萬錢忘下筯  
羹調千鎰未盈甌牛心探截熊蹯脆蟹足熬膏獺髓柔  
李尉庖中羸寶屑郇公廚內足珍羞從容握麈延諸謝

慷慨呼盧軋二劉侯白抗顏陳戲劇秦青揚袂動歌謳  
數聲子夜明星落一部陽春霽月流別館笙簫雲共咽  
迴廊燈燭霧難收杯傳鸚鵡長酣醉杓滿鸕鷀遞勸酬  
五斗椰漿嘗異核百壺桑落薦芳筍生來梁孝豪游擅  
蚤歲燕丹俠氣投日杳虞淵猶角逐天傾杞國漫咨諏  
無論蕭相居帷幄謾說孫郎近冕旒倏忽韶光倅閃電  
須臾滄海變浮漚霜華爛熳催紅頰石火紛紜照白頭  
好是太玄揚子業書成名字在千秋

青樓曲三十六韻

紫陌青樓接上林，香車油壁鳳池陰。  
珊瑚繞砌繁丹嶂，瑪瑙當窗甃碧岑。  
絕代祇看雙白壁，傾城何啻萬黃金。  
鮫綃帳煖勻蘇合，玳瑁筵芬藝水沉。  
樹樹相思巢比翼，枝枝連理結同心。  
風鬟墜馬嬌堪畫，霧髻盤龍力未任。  
淡掃春山重閣曙，斜拖秋水曲房深。  
床頭琥珀鐫文貝，几上琅玕琢翠禽。  
沙淨鴛鴦翹綺褥，泥融鸚鵡睡羅衾。  
葱籠石竹緣衣繡，馥郁溪蘭並帶絳。  
理棹湖堤春漠漠，



乘槎河漢夜陰陰波填烏鵲虹千丈水戲魚龍獸百尋  
鼓瑟湘妃傳麗句吹簫羸女發清音編禊舞燕甘泉畔  
宛轉驚鴻洛水尋天女大羅邀把袂仙姝少室戀披襟  
三三楚岫朝相似六六巫峰暮半沈玉洞玄漿霞共汎  
瑤池丹醴月同斟青鸞慣向前除下赤鳳偏宜後掖尋  
日隱未央頻望蹕霜飛長樂驟聞砧銀屏照膽悲華落  
鐵鎖傳心怨陸沉織錦素娥情慘淡題紈班氏興蕭森  
崔徽謝客容顏瘁薛媛懷人涕泪霑竇太主驕長臥疾

息夫人憾但如瘖生來陳后情元妬老去徐娘思尚淫  
岼隔楊花愁歲暮江迎桃葉畏寒寢虬髯邂逅綠持拂  
犢鼻逶迤為聽琴破鑑德言憐漢落投梭並壽笑敬徽  
霓裳殿迴唐宗入銅雀臺高魏帝臨東壁王昌懷易暢  
西隣宋玉賦難禁時憑劒術祛凌暴屢握刀頭盼滯淫  
落盡紫薇重倚架開殘紅杏獨停針成陰結子須臾事  
腸斷春風杜牧吟

事多出漢唐雜史小說楊花即  
楊白華劒術如聶隱荊娘之類

輓朱廷尉可大十六韻

先可大以建言論斬

恩詔釋歸尋疾終

冠玉凌雲美少年，崢嶸人代擷青錢。  
批鱗日慘雙龍闕，折角風吹五鹿筵。  
勁氣千秋橫碣石，餘生萬死出甘泉。  
無論廷尉張羅事，政憶司空解綬年。  
石匣蒼茫南斗下，鹽車淪落太行前。  
吹噓土壤人誰測，物色塵霾爾並賢。  
赫烜蘭陰迴鹵簿，殷勤澌水繫樓船。  
騰空騶駟庸多讓，貫日虹霓豈偶然。  
去住未妨鴻羽隔，升沉俄折雁行聯。

飛揚大業河山並突兀雄詞海岱懸共擬隋珠還漢闕  
那知和壁瘞藍田藜空向閣殘新序草沒雄亭掩太玄  
強直自知文季遂貞孤誰並伯喈傳關心雨露酬前席  
極目乾坤倚斷絃函谷青牛沉紫氣匡廬白鹿弔黃泉  
生芻一寄遙天外萬壑松湫冷暮蟬

朱暉字文季強直自遂蔡邕稱朱穆貞  
孤羔羊之節可大生平行誼大類二朱

朱十六在明訂余過訪沙上念載矣歲杪得手  
書猶故情暖暖也新春忽聞長逝感愴不勝

挽以長律十六韻

慷慨朱家結俠年，金罇何日不花前。  
仙源洞府三千闕，帝苑池臺八百懸。  
夜夜更衣遊太液，朝朝聯袂入甘泉。  
臨淮桂樹通侯第，大庾梅花上客筵。  
突兀雄心摧海岱，飛揚豪氣挾星躔。  
建安遺瓦酬雙壁，宣德新磁破萬錢。  
彩翰如椽仍自貴，黃鬚張戟定誰憐。  
官微恥抱齊門瑟，宦拙寧迴越水舡。  
海月亭中邀月坐，江雲樓上抱雲眠。  
明眸皓齒羅閨閣，妙曲新聲被管絃。  
舞罷柘枝頻笑傲，

歌餘桃葉乍留連  
孤松爾自陶元亮  
芳草余慚謝惠連  
幾夜梁園期作賦  
經時揚閣候談玄  
生年忽報龍蛇值  
哀計俄驚鵬鳥傳  
地僻高陵盤狡兔  
天垂荒隴咽寒蟬  
酬知未遂延陵諾  
愁絕生芻寄墓田

在明家有園池聲伎江雲樓最軒爽每訂余海上為十日飲余亦欲卜居其傍竟參商未

如願

憩清源舊遊禪寺懷蘇別駕以修二十四韻

有序

憶曩在清源日易使君座中邂逅以修別駕

握手定交淹留累月窮極平原之興一別十  
年聞問杳絕扁舟再過不勝今昔之感云

十月繁霜正滿籬孤城凝望碧雲馳青衫落鳧還舟夜  
綠綺傳聲命駕時玉勒亂嘶韋氏苑銅鞮高宴習家池  
龍蛇四壁毫飛動牛斗雙函劒陸離妙曲西園陳翠管  
清歌北里近彤墀豪遊南郭朝朝共勝槩東山日日期  
綺陌朱樓情浩渺紅燭夢逶迤何人作賦非同調  
若个談詩不解頤一代平原懷競爽千秋河朔興難疲

從知意氣關寥廓詎謂形骸判別離驛路論心愁汎梗  
河梁揮手惜臨歧窮來海曲甘垂釣泪盡山陰獨解維  
搖落慚余同塞柳漂零聞汝逐江蘼茫茫白水迷三峽  
厯厯青山礙九疑無客乘風來灌口與誰尋雪上峨眉  
雕闌繡柱孤懸榻清簾疎簾靜覆棋漫詫王嬙留鳳輦  
徒聞薛女畫蛾眉君平易肆虛談卦揚子玄亭失問奇  
岬拆黃牛迴舸艦城深白帝罷旌旗遙天灩澦雙魚絕  
僻地臨邛馬駟馬遲秣貫十千時潦倒柑題三百尚淋漓



清風明月羈玄度流水高山咽子期越國啼魂無翠鳥  
蜀天翹首但黃鸝亦知聚散人間世極目長空雁影移  
後再過聞  
以修歿矣

壽吳封公七秩

遙遙紫氣度滄溟翹首文園見德星三世龍章偏鳳躍  
四朝鵷羽獨鴻冥才高曼倩飛千牘道直劉蕡困一經  
骭髀田方驕富貴蹉跎杜甫惜娉婷傳家夙擅瑤華譽  
報國爭傳玉樹馨赫爾盛時新閎闕依然名士舊門庭

姑蘇麋鹿遊春墅震澤魚蝦臥晚汀閭闔廟前閒倚仗  
滄浪亭下戲揚舠高陽藹藹睂先白大耋垂垂髻尚青  
東望瀛洲鸞馭出西來玄圃鶴書停花枝燦爛供談笑  
竹色葱芊伴醉醒神臬安期遺履舄冰桃王母降輜輶  
前除冠蓋如虹集後苑笙歌帶月聽綸綍幾看迴結駟  
緇縑猶自憶囊螢天河路近槎堪汎海屋籌多戶未扃  
蚤識大椿千萬禩南山無事祝脩齡

封公文端公孫純叔少叅子而文仲使  
君父也后先聯仕以潛德弗耀于時

挽周徵君公瑕二十韻

藝苑靈光四十春，翩翩奇氣上青旻。  
飛翔鸞鶴三千界，慘淡龍蛇百六辰。  
北嶺彥倫非異族，東吳公瑾是前身。  
宗雷綺歲耽玄寂，禽尚生來習隱淪。  
虎阜池頭尋紫劍，鱸鄉亭上岼烏巾。  
雄章魔社珠同耀，麗藻昆丘壁共陳。  
玉筯縱橫三李合，銀鈎搖曳二王親。  
岵嶺絕頂文摹夏，梁父中天篆勒秦。  
巨榜華夷懸突兀，穹碑河岳闢嶙峋。  
西泠倚棹吹黃葉，南浦垂竿弄白蘋。  
好士孟公腸磊落，

無兒伯道思艱辛羣仙閬苑招同列上帝叢霄憶戲臣  
太傅遺踪沈草樹中郎餘業散荆榛家殘甫里悲羅雀  
冢翳皋橋嘆獲麟是處霜飈摧大厦當年湖海問前薪  
浮名早借遊燕客秀句偏攜入洛人劇飲平原寧計日  
高談河朔動經旬踟躕舊雨舟藏壑痛哭酸風笛滿隣  
瘞鶴銘存徒自惜籠鵲帖香定誰真惟應彩筆星河畔  
元氣淋漓照玉宸

送萬伯脩中丞經略朝鮮二十四韻

突兀熊車控九邊  
熒煌鵲印下甘泉  
元戎夜仗黃金鉞  
壯士晨驅白玉鞭  
驟擁全師過碣石  
徐分小隊出祁連  
驂騑五色羣連代  
鸞鶴雙飛陣拂燕  
赤羽登壇環甲冑  
青油張幕護樓船  
雲銷上谷旄竿駐  
霧湧九都箭鏃穿  
伐鼓吹笳行塞日  
飛槎浮筏度遼年  
詩書總屬中軍好  
文武咸推吉父專  
曲逆奇謀神鬼運  
嫖姚雄略帝王傳  
轅門妙算聞三策  
樂府豪吟擅百篇  
西第徵歌霞照席  
南樓舒嘯月窺筵  
推牛有客俱長孺  
倚馬何人不仲宣

潦倒鸕鷀盃似杓淋漓鸚鵡筆如椽千言草級陳侯牘  
一傳花生杜氏箋橫槊澄江天破浪拔刀窮谷地生泉  
摧牙怪鱷鱗堆阜授首封狐血漲川道左纍纍迎吐谷  
管中厯厯拜呼延寧知報捷憑公異會見題銘壓孟堅  
後乘長驅母寡入前茆生縛郅支旋扶桑日上清妖氣  
細柳虹飛息燧烟定遠威名元獨步平陽勲烈舊無前  
銅標直建三韓外鐵券遥頒萬戶先虎豹崇關茆土關  
麒麟高閣畫圖懸穀城佇待功成後一舸陶朱釣巨鰌

蚤春寄懷大學士趙公三十韻

金扉銀鑰散爐薰玉座琳居架斗文日為唐堯懸北極  
風因虞帝動南薰花明建禮宮前雪樹拂含元殿裏雲  
長樂烟光晨浩蕩未央霞色晝繽紛衣冠肅肅甘泉聚  
環珮鏘鏘太乙聞左邑亭臺行未厭西清城郭望難分  
九苞鸞鷟俱呈瑞五色鴛鴻並作羣求友黃鸝啼廣陌  
將雛白鶴卧斜曛昭容戶外垂羅袖采女車前曳繡裙  
十樣蛾眉桃李艷千盤鸞髻麝檀芬熒煌甲煎中庭燎

縹緲都梁別院焚水汎昆明寧習戰山遊興慶詎成醺  
明堂禹益攄謨誥清廟夔陶繹典墳獻賦班揚馳彩筆  
陳詩枚馬擅風斤傳巖板築真符夢莘野鉏犂合罷耘  
優詔異時仍白壁辟書何處更玄纁趨朝政喜羣公洽  
報國應憐太老勤絳闕頻年勞上相丹扉無策對明君  
羊裘數問嚴江外雁序長瞻潑水潰瑣闥交章神轉王  
平臺傳論思偏殷三千魚鳥張旗幟百萬貔貅礪劍紋  
龍武盡收榆塞卒鷹揚全護棘門軍材官甲冑先浮渭



大將樓舡欲濟汾舉鼎威名雄夏說揚鞭豪氣邁高賁  
倉皇跛足知狼顧躑躅獐牙見豕獫海匪雞林傳帝力  
江寒鴨綠淨妖氛耆英紫綬堪圖洛狂客黃冠會入鄆  
講易庭前饒管輅傳書門下半羊欣淇園荏苒齡齊竹  
鄴架叅差帙散芸翹首越裳重譯至赤松岩畔候元勛

叅知張公睿父觀察吳公文仲過訪吳公舊宰  
金華訂盟莫逆張公神交十載近始識荆迺  
並辱提攜收之方外高軒枉問讌洽連宵國

士之知敬酬此什

繡服緋袍試晚晴  
荒途曲巷謝逢迎  
州民禮數容長揖  
地主風騷接大名  
幄裏雙虹交映日  
輿前千騎並干城  
人倫張仲推忠孝  
吏績吳公擅治平  
白雪中原馳錦翰  
青霞太末射楸枰  
三都浩瀚裁新註  
七子崢嶸締舊盟  
志續齊諧羅艷異  
書傳博物洞幽明  
朱旗暫借臺端曳  
玉珮行趨闕下鳴  
躡蹻久虛陳榻夢  
飛觴何限庾樓情  
茆檐豈為看花入  
草徑聊同問竹行  
業綜緗縑元自得

篇攜綺繪定誰評從知國士深留盼愁絕文通賦未成  
送周大叅之楚中

當年文價重連城蚤向詞壇識姓名玉署鳴珂朝建禮  
金門持戟扈承明中天正屬飛龍起南國遙看結駟行  
侍從清朝臣不厭驅馳赤社帝關情叅差原勒舍毫待  
次第英皇抱瑟迎衡岳雁迴雙節迴武昌魚躍片帆輕  
登臺風雨三湘暗按部雲霞七澤明方岳大藩形勝地  
甘棠寧讓召公評

送叅知洪公入賀聖節十六韻

暖日暄風上柳條，樓船晨遡越江潮。  
腰懸玉珮趨辰極，手捧金函入聖朝。  
魯國生徒圍講座，燕臺豪俠避行輶。  
棠陰發里關情切，荔子閩鄉送目遙。  
藉草定過平樂市，看花頻宿灞陵橋。  
天浮太液明霞麗，地接甘泉湛露饒。  
彩筆何方留鼓吹，朱絃隨處叶蕭韶。  
南皮舊事猶飛動，北海新盟未寂寥。  
駿骨千羣隨顧盼，雄心八極任遊遨。  
空囊歷歲藏孤刺，陋巷經時挂一瓢。  
洞裏秦人捫峭蒨，

山阿楚客寄嵯峨觀禾乍許親田父伐木偏能問野樵  
敢謂龍蛇同奮螫深知鵬鷃異逍搖移床實奉元規宴  
下榻虛煩仲舉招荏苒三卿迴獨坐逡巡九列讓元僚  
從知岳牧明堂近蚤伴臯夔翊帝堯

懷王恒叔十四韻

恒叔以擢任還天台尋赴  
白下中途病臥京口卒

南遷新命下蓬萊紫氣函關日夜開霞色乍眠方廣寺  
月華頻坐妙高臺三山興盡思三竺九曲吟成夢九垓

瑤圃勒銘推哲匠玉樓題記仗雄才  
熒煌賦草傳中國燦爛文芒接上台  
軹里晨霜流檜柏茂陵秋雨滴莓苔  
窮交此夕攄孤憤故友當年和七哀  
授簡甘泉誇駿骨飛觚碣石羨鴻裁  
崢嶸汲鄭交難續嘆惜荆高世尚猜  
咫尺遮須尋子建龍門曾識仲宣來

哭蘇學使君禹十八韻

阜蓋朱旛辟衆僚青鞋白恰問山椒  
猶思藉草過三洞尚記看花就六橋  
剗地雕戈紅日駐倚天長劍白虹飄

論心北海尊偏洽握手西園盖未遥一水驟縈桐柏夢

萬峰俄矗桂林標

君之擢嶺右參知也先銓曹兩擬中州命皆不下

枕榔樹色

浮公座苴菹花香撲使輶玉管暮揮盈洞壑金函晨捧

接烟霄長門闕賦驚先達宣室紆談誤早朝十日河梁

懷並鬱經時濠濮興難消將因索處尋公叔詎意飛昇

逐子喬齋老白楊情漠漠閣殘玄草意蕭蕭中郎典籍

悲零亂太史篇章恨寂寥躑躅五龍飛帝闕旌懸雙鶴

度神飈胡床澌水迷秋月畫舸錢塘咽暮潮國士中原

時自惜名流東域定誰驕遺書百代鳴孤憤大樂千年  
閔九韶潦倒酬知腸寸折不禁寒雨墮深宵

君禹過余必却函簿掩蓬茆留連浹  
日余病或不冠對談疊疊形骸盡忘



少室山房集卷六十七

欽定四庫全書

少室山房集卷六十八

明 胡應麟 撰

五言絕句八十五首

自桐廬至新安雜咏十六首

原闕

石壁

天風吹客衣削壁遠如墮何人掃石來獨抱蒼雲臥

辛夷館

愛此幽人居春風滿庭戶指點辛夷花忘却來時路

瀑布

亭亭瀑布泉風吹一千尺朝來海上帆挂斷長虹色

方干宅

萬山圍欲合一水去仍遙不識方干宅桃花滿路飄

謝翱墳

西巖謝翱冢一徑惟莓苔相對鹿麋坐秋風時自來

新安江

蒼郊四無人輕橈蕩空碧春江不斷流滿柁蘼蕪色

仙桃巖

絕壁聳精藍孤懸五千丈何代武陵人移家此峰上

胥口

落月溪水寒漾舟時未已西冷何處村望望茶烟起

北高峰

言尋王子喬吹笙跨鸞鶴高峰不見人日暮藤花落

南高峰

維舟北嶺下搖蕩青芙蓉欲向南峰去夕陽千萬重

烏石磯

瞥見雙白鷗飛來似相識翩翩欲近人復濺苔花濕

桃花硤

移舟信江風沿洄不知暮前村路轉遙繫纜桃花渡

題翠虛亭廿絕

有序

亭在劉氏園四圍皆竹萬綠森然余嘗避暑

其中因酬以廿絕

逸三首

雨色凝書案秋陰拂畫牆萬竿雲霧裏知宿幾鸞凰  
上枝凝翠柏下葉染蒼苔莫使王家見清吟不肯迴  
昨夜涼風起笙簧滿坐幽何當裁萬玉吹盡楚天秋  
霜朝庭聳玉雨夕院敲金一自淇園後詩人幾廢吟  
棲禽歲密篠關雀墮高枝老幹空千尺何人寫楚辭  
鏤就雲門玉吹成解谷音晝日過滄海蛟龍不敢吟  
鳥雀下前除幽篁百尺餘昨宵風雨過寒灑杜陵書  
野色琴書裏江聲枕簟傍恰稱幽人卧湘雲畫滿床

參差臨淥水，婀娜拂秋霜。忽記文同畫，生綃六尺強。  
涓涓薄暮霜，娟娟經秋雨。深院寂無人，叢篁自相語。  
晉代諸名流，清談自相詫。何如阮嗣宗，長嘯深林下。  
倚闌無俗事，解帶自清吟。一雨朝來霽，千竿翠欲沉。  
萋萋紫翠間，珍禽自遊戲。何當覓羽人，共跨青鸞去。  
閒來晚翠亭，四壁皆清翫。傳聲王丈人，更致蘄州簾。  
縹緲碧琅玕，森沉下彩鸞。佳人翠袖薄，日暮不勝寒。  
截作簫，君管攜來弄。玉家一吟雙鳳舉，白日赴青霞。



迢遙風雨夜臥此一窗幽恰似揚舲日瀟湘兩岸秋

宮怨二首

羅幌寂無人玉階秋草綠永夜不成眠飛螢照華屋  
學得琵琶曲深宮不忍彈水晶簾幕下寂寂倚闌干

夏日齋居雜咏八首

陽春館

一雨過修篁微風動清夏萬籟晝蕭然援琴北窗下

綠筠軒

獨坐清風裏  
流雲濕畫欄  
空齋無長物  
十萬紫琅玕

漱芳池

明月照芳池  
倒景浴層嶂  
文魚不畏人  
競出滄波上

馭風亭

五岳非我鄉  
九州非我宅  
泠然起太空  
忽見蓬萊日

西園

閒持一杯酒  
獨向西園醉  
想像鄴中人  
青雲動飛蓋

東園

西園復東園焚香送餘日微風掃落花忽墮幽人席

嘯臺

鏗若鸞鳳音隨風落天半空令阮籍聞未許嵇康見

臥游室

泠泠七絃琴飛聲白雲上三十六洞天不假盧敖杖

小齋宴起偶題

午日照柴扃先生宿酒醒科頭了無事散步讀黃庭

題神遊八極卷

為金華高生

青天騎大鵬汗漫游八極笑殺牧羊兒空山弄拳石

題畫

僧寺四景

青鞋趁桃花杳杳前山暮霞標起赤城漸入天台路  
赤雲遍長空何處清涼國遙望五臺山中天挂金碧  
一鉢復一鉢相隨不知老蒼蒼太白峰落葉秋多少  
剪月作蒲團紉雲為破衲歲晚入栽看千山萬山雪

綠筠軒夜深作

岸幘坐微涼荷池雨新足永夜寂無人流螢度深竹

長日抱疴掩闕謝一切客朝夕相酬往者惟齋  
中十六君焉興文托好各贈以詩歲寒之誼  
要諸白首矣

石屏

奇峰置案頭恍憶包山麓萬朶洞天雲鞭龍入林屋

琴

一鶴復一琴翛然成太古朝來岳麓僧寄我瀟湘譜

劍

鹿廬秘空匣十載無精光昨夜飛空去龍吟大海傍

書筒

三萬六千卷一卷供一朝百年雙白眼不向世人驕

玉磬

誰將一片雲置此禪床側相對寂無聲南山下秋色

五岳圖

援琴對五岳流響入青雲猶勝四壁立獨擁卓文君

碁

一枰秋色裏時翻古人局飛霜擊畫廊邵艾收西蜀

膽瓶

折取三花歸琉璃貯春碧三十六峰雲畫繞維摩室

笛

手挽鐵龍君登樓喚黃鶴萬頃碧天空梅花何處落

茶竈

水記桐廬  
第十九

夜涼起南軒然藜煮雀舌山童荷檐歸滿瓮嚴陵月

杖

青藜攜作杖霞色照人明偶過劉中壘翻疑太乙精

琴石

何年空林中置此太古石歲遠莓苔深片雲無處覓

博山鑪

月影下蒼苔閉門無剝啄白雲一縷高幽人臥初覺

麈尾

玉柄蟠蛟螭隱見前朝字逍遙七百言花照瓦棺寺

羽扇



羽扇白綸巾寥寥坐清宴千秋廣武軍誰知阮公嘆

芒屨

足下兩青鞋他時作何狀白日五龍飛崑崙三萬丈

臥室四詠

芙蓉帳

夢寐青蓮詩千篇謝雕飾却笑江文通花生景純筆

湘竹簾

攜來六尺雲恰稱衡門夜一枕洞庭秋萬山明月下

胡床

散髮踞胡床徐看白雲過時有鹿麋來胡床相對坐

石枕

至人本無夢何者蕉中鹿松風滿石闌任意黃梁熟

遊囊雜咏五首

蠟屐

長物不隨身周游信雙屐中天泰華雲絕頂蓬萊日

席帽

秋風飯顆巔吟成一登眺日暮謫仙來相逢應大笑  
如意

摩挲三尺鋒虬龍掛寒鐵萬古英雄心歌成唾壺缺  
布裘

清晨偶出山一衲挂枯樹向晚白雲深蒙茸不知處  
藥壺

五城十二樓高懸煉金液朝來費長房誤入神仙宅  
秋日獨遊蘭陰山五絕句

蘭陰山

午風吹芒鞋獨往忘日夕指點山阿人衡門在蘿薜

西樵嶺

落景留空山無人自來往一片白雲中時聞樵語響

聖羅菴

一鉢坐禪床清齋自朝暮經年不出門忘却前峰路

顯教寺

探竒興不盡秋思滿林薄祇園掩夕陽小坐曇花落

龍湫

波光滿沙際  
夜景湛林樾  
山僧抱甕來  
搖動潭中月

杪秋再遊蘭陰過精舍見前壁間題悵然復書

一絕

謝客訪石門  
杜公懷峴首  
萬古一傷心  
無言對樵叟

漫興四絕

斟酌千秋事  
何人一瓣香  
婁江宵夢斷  
月色滿空梁  
一代汪司馬  
憐才海內聞  
乍日傳書至  
慇懃問白雲

十載吳明卿相聞不相識遙夜武昌樓梅花飛鐵笛  
可恠滇南老雌黃信筆成那知陳晦伯剖擊更無情

少室山房集卷六十八

欽定四庫全書

少室山房集卷六十九

明 胡應麟 撰

五言絕句八十五首

題李惟寅山房三十八咏

清嘯園

為園學步兵築臺五千丈清夜嘯聲流泠然萬峰上

松關



愛此松風吹柴關抱麋鹿白眼四無人濤聲滿空谷

陽春臺

高堂揮彩筆字字濯雲霞錦帳三千女齊歌玉樹花

芙蓉閣

傑閣起千尋芙蓉不盈丈為有謫仙人含毫坐其上

清風館

一徑入深篁脩然碧雲墮涼飈四面來吾將北窓卧

先月臺

中天白玉臺高挂九千尺薄暮海東雲先送嫦娥入

涵虛閣

平湖千丈寬中有涵虛閣靜夜時推窓星辰四簷落

度雲橋

青鞵趁桃花香赤城路石梁千仞橫自躡飛雲度

浣花池

方池六尺強風吹衆芳墮時有杜陵翁扶藜石欄坐

拱辰閣

危欄跨長空星辰俯手拾獨有紫薇垣可望不可即

藏真洞

藤蘿垂洞口空谷四無人恍惚天台路難尋兩玉真

白雲峰

移來十丈峰虬鸞舞虛牖面面白雲生終南亦何有

翠微亭

荷鍤入中條雲霞導雙屐山腰翠漸微冉冉孤亭出

凝秀軒

軒窗洞然開正對西山碧十日忘朝飡飽此蓮花色

來雲洞

去家十里遙結茆在深樹白雲洞口來忽與幽人遇

虬峰

蒼鱗剥苔蘚千尺自成趣朝來雲霧生綯縹欲飛去

釣磯

八十曾無恙蒼顏出渭濱寧知漢飛將黑髮畫麒麟

鰲嶼

海上釣鰲客曾聞太白翁何如置孤嶼圓嶠在庭中

琅玕亭

十萬琅玕枝箇箇青欲墮不分王徽之借我亭中坐

芳草齋

幽齋只數椽科頭抱書讀經句不出門芳草上堦綠

青霞館

朝吟白雪齋暮憩青霞館羲皇以上人脚赤髮仍散

松室

危闌繫鐵絙高懸四松上千尺凌雲臺晉人何足尚

青蓮閣

虛閣倚青蓮恍入莊嚴界悠然清淨身萬古長不壞

貝葉齋

一出恒沙河彈指幾千劫金剛在舌根何許貝多葉

會心處

聚書三十冬插架三萬軸開卷時忻然三公豈吾欲

蒼玉館

簾內延湘妃簾外種湘竹秋風何冷然淅淅動蒼玉

製芟軒

湖上秋風生推窓綠無數不製三閭裳但製三閭賦

疑舫齋

虛齋宵千尺恍忽阿融留何須疑陸處天地一虛舟

浮白齋

左手鸕鷀杓右手鸚鵡杯拍浮酒缸中萬事何有哉

草玄居

翩翩白鳳凰夜吐青藜館何人坐吮毫莫是揚中散

梅花亭

孤亭十尺藏梅花萬株列中有姑射仙肌膚若冰雪

澹然閣

事業等唐虞浮雲過太虛何如高閣上支卧一床書

如如境

蘭若何翛然焚香擁孤衲兀坐萬緣空繩床下黃葉

滋蘭室



移將九畹芬散植雕楹畔悠然丈室中如坐瀟湘岸

綠雨樓

飛樓瞰平津空翠散遐矚山雨暮欲來蕭蕭入窗綠

留客處

十畝辟彊園寒風灑亭榭何須問主人日坐琅玕下

延春亭

南園紅藥盡西塢綠陰重別有藏春處胡床未易逢

沙上晚泊即事

葉落楓如撼花敲桂若崩白頭溪上叟閒坐結魚罾

月下船窓獨坐寄內是夜繫纜東昌

憔悴鸛鵲裘飛霜正暮秋亦知粧閣上頻夜望刀頭

席上戲為崔孝廉贈所歡

妖姬年二八艷色妬名花莫問張君瑞崔鶯是婿家

王恒叔山居雜咏十首

紫芝山房

何物東園翁老作儲皇翼後夜呼茆君乘風起八極

松潯

飛樓跨四松杳杳拂雲漢白日廣陵濤飄蕭起天半

蓮社

西來有別傳自得碧筒趣肯使柴桑公攢眉獨歸去

嘉樹臺

千尺摩雲霄百圍蔽林莽逍遙雙樹根不作大槐想

釣亭

玉璫釣姬公羊裘釣漢祖奇哉清靜君玄成釣萬古

忘歸石

雙磯清莓苔赤脚此閒坐偶逢隣叟談不知夕陽墮

芙蓉城

層城粲朱華彩艷照林薄新篇露下吟一一謝康樂

曲水瀨

玉匣閔昭陵聚訟欲成藪千載真蘭亭復落王郎手

雲碓

李詩水舂雲母碓風掃石楠花

林鐘踈北嶺茶杵急西家湖風亭子外掃盡石楠花

龍藏

前身阿難陀種此青蓮舌何事五千函虛谷盡貝葉

春日同葉唐趙郭朱包諸生遊蘭陰作

百雉雲中雙虹水面晴曲江春事蚤隨處麗人行

為趙宗魯別駕題屏菊四絕

玉葉迎風粲金英浥露開東籬遙悵望拊掌白衣來

直幹經時雨繇英昨夜霜靈均餐不盡艷色滿瀟湘

簪來盈宿露插處炫明霞布帽須頻落何煩笑孟嘉

裊裊依危石亭亭照暮山  
羨他甘谷水千載駐紅顏

胡穀元池亭雜咏十二首

深雪菴

襖被繭雲窩清虛四天照  
門前乘興來或有王郎棹

凝香寢

斗室羅尊鼻名香坐中發  
何處佳人過援琴鼓白雪

簷蔔齋

虛齋植簷蔔香氣何繚繞  
一路聞磬聲琤琮出花杪

水竹居

千頃竟何為萬竿復何處居然五畝園獨領浣花趣

清華榭

朗吟池上篇構此數椽屋禽魚互親人恍惚見濠濮

浣花池

方池六尺脩為深劣加丈游魚不畏人潑刺清波上

懸蘿逕

何年卜此居恍入子真谷一徑懸飛蘿孤亭吐喬木

叢春館

堂上三千賓堂中六一叟無日不開花無時不攜酒

不染亭

周植笑  
藥萬本

翠憶何亭亭朱霞亦濯濯周遭十二闌飛香透簾幙

秉燭軒

敲碁坐明燭微風動清夜遲我同心人落花滿亭榭

飛嘯臺

高臺四無人嘯聲墮林樾彷彿羅浮仙空山弄明月



竹素園

亭亭風霧中琳瑯自成圃何言對此君大業在千古

沈氏園異竹數竿儼如紅玉客話於余乞一絕  
紀之

淇園暈紫霞恍作赤城色為問石家郎珊瑚幾千尺

題寺壁二首

青林帶平楚雜坐惟漁樵迴看萬峰裏一逕入中條  
樓臺出林杪入望杳難分半夜投龍去千山盡白雲

黃河大風商舶阻絕姜計部仲文遣人覓舟載  
余一夕遂抵淮上因得口號六首却寄

茫茫大河水一葉向江南不遇姜公子何人借布帆  
揚帆度呂梁回首見蕭縣桃源何處村千家寄高岸  
四月桃花水歸帆處處看南風薄暮起停棹向新安  
黃河九驛路驛驛旅人懷飛流六百里一夜到長淮  
渾如白帝峽千里一朝還獨少陽臺女雙蛾碧霧間  
長風破巨浪一葦下三吳那羨揚州鶴腰纏上帝都

園中即景

庭樹清陰滿園林翠色交數竿春雪重搖折紫雲梢

題畫

水綠紅衣淨沙翹白羽幽塵中騎馬客誰見五湖秋

題祝生無殊瀟湘坐同司馬汪公二首

萬綠圍軒窻蒲團弄秋色時聽湘夫人雲中鼓瑤瑟  
兀兀幽篁裏槁梧同嗒然科頭抱雙膝目盡九疑天

徐象先以薛生素巾花卉五圖乞題各系一絕

不作倚門粧尚假傾城色何似薛家娘巧心懸素質

右山茶

飄然姑射仙亭亭出林藪宛似薛家娘霜天濯素手

右梅

瑤琴月下彈羅帶風前解大似薛家娘幽香勻素彩

右蘭

霜飄金奏沉風動玉聲碎可以薛家娘秋閨鳴素珮

右竹

泠泠冰玉姿獨立瀟湘岸恍似薛家娘寒濤披素練

右水仙

少室山房集卷六十九

欽定四庫全書

少室山房集卷七十

明 胡應麟 撰

五言絕句七十三首

別業澱溪之南平湖遠岫幽谷長林登頓沿洄  
頗擅獨往之趣暇日效右丞輞川體為五言  
絕三十章竝拉諸同好作焉

春澱草堂

幽居武陵源背城止十里汎汎桃花舟春江潏紋起

谷口

緣堤十數家蘿蔓相縈帶亭午聞雞聲脩然白雲外

灤西

愛比春風吹持竿坐溪畔粼粼灤西水浮萍聚復散

灤東

桂楫橫沙棠沿洄殊未已落日漾中流蓮歌四面起

三徑

青山在南隣綠水在北隅為問柴桑翁徑中復何有

華嚴精舍

焚香延衲僧偏袒坐林薄相對談華嚴西巖夕陽落

蘭薄

采采幽蘭花清香畏零落何處佳人来含情坐林薄

談玄室

玄亭落花遍兀兀把壺酒山童懶應門失我同心友

柳庄



今朝好風日策馬東郊行  
雙柑挈斗酒往聽黃鸝聲

蒼筤齋

偶結清淨緣幽齋種蒼筤  
淒迷月色下馨香不忍觸

芝坪

深林斲黃精冉冉白日暮  
千巖與萬壑不記來時路

嘯閣

靜夜無人聲微風動梧葉  
散髮踞胡床忽上南樓月

北窗

赤脚仍蓬頭焚香坐長夏何處來清風冷然北窗下

滄浪亭

言從劉伯倫荷鍤載壺酒一醉眠滄浪蟬聲在高柳

梧陰館

夜涼起南軒梧風時澹蕩疎雨滴堦除復濺池荷上

蘿月軒

橫琴當綠蘿萬籟夜俱寂涼月何紛紛飛螢暗中入

烏石岡

信步不知遠  
蒙茸入深樹  
悠然亂石中  
忽與樵人遇

寒林

深林四無人  
秋意滿長薄  
日暮牛羊歸  
寒烟出籬落

廢寺

一榻懸空林  
寒蟬滿窗戶  
但記入山年  
不知出山路

樵塢

曳杖隨寒山  
遙遙不恐別  
欲趁斜陽歸  
亭臯遍黃葉

叢桂山房

扳援桂樹枝秋色俄已半為報山中人花開正如霰

鷺查

連山帶返景依約澄潭上白鷺時驚飛銜魚入深巷

芙蓉汊

何方問奇客扁舟載尊俎欲采芙蓉花悠然向南浦

瀟湘島

偶作瀟湘遊置此江中嶼萬綠圍軒窗九疑何處是

明霞洞

尺素隨桃花傳情報仙媛為掃石床霞殷勤待劉阮  
必芻園

閉戶動經旬長齋度晨夕不知園中草蒼翠已盈尺

藥房

手持長生瓢隨意坐林薄涼風吹古藤時復數花落

柴桑里

凌晨出東籬采菊動盈手悠然南山色落我杯中酒

梅嶼

素手何亭亭新粧儼明玉誰憐絕代姿歲暮倚空谷

雪岑

清晨策蹇驢正見梅花發獨往灞陵橋千峰亂飛雪

秋日同郭朱吳鄭四子登大寺山尋東峰亭故

蹟

亭故有唐人馮宿記

掃石坐危顛高天下雙鶴欲問馮郎碑東峰夕陽落

秋日送僧遊五臺山二首

挂錫辭吳嶠支筇入晉關秋風秋葉裏獨向五臺山

五臺五百僧日暮鳴鐘待獨有病維摩未赴文殊會

蚤春同惟敬諸子登顯應宮閣望西山霽色即

席賦

立馬蓬萊島千門霽色通西山四百寺處處玉華宮

即事

文杏作雕梁盧家白玉堂武陵雙俠少下馬入垂楊

九日李環衛招同諸公登顯應觀閣不赴

寂寂東籬下黃花意自真笑殺龍山客空遲落帽人

夏日集古堂閱宋元諸名流畫題十絕句

短橋留夕照烟樹隔江深  
過客應迴棹疎鐘出定林  
前途風色起孤舟暫停泊  
寒鴉不斷飛殘暉在山閣  
一卷南華子科頭抱雙膝  
時有鹿麋來殷勤似相識  
芒鞋不覺遠目與歸鴻遇  
萬壑無人聲天風起孤樹  
醉吟綠蓑底孤舟繫漁梁  
不知沙頭水夜添三尺強  
深林四無人徙倚白雲坐  
山風日暮來吹我鶻冠墮  
赤脚步青沙斜陽照古查  
鳬鷗太欺客相趁入蘆花



散髮孤峰頂去天不盈尺四顧中原空悠然獨捫虱  
汀洲黃葉落一望彌蒹葭美人隔秋水相憶空瑤華  
前村風月好杖藜時不厭一逕荳花明數家松葉暗

夏日雙樹園閒居隲括昔人成語作十絕句  
悠然濠濮隣會心豈在遠魚鳥時親人不覺白日晚  
乞得真形圖五岳在指掌撫琴一動操欲令衆山響  
蓬蒿滿宅前中開一行徑高樹八九株挾書坐餘陰  
可人費招呼俗士且廻轍入室惟清風當窗但明月

山靜無人聲  
焚香坐朝暮  
蒼蘚盈階除  
落花遍庭戶  
空齋種白楊  
悲風時謾謾  
人生不得意  
千歲復何益  
長嘯臨高臺  
白虹貫四野  
龍泉與太阿  
汝乃知我者  
何勞郭侯書  
繞架三萬軸  
痛飲讀離騷  
居然名士足  
庭花晝合圍  
松竹蔽行道  
淡麪邀緇流  
相對豁懷抱  
左持鸚鵡杯  
右把鸕鷀杓  
拍浮酒缸中  
生計長不惡  
獨酌逍遙館  
醉中拈筆漫書五絕

薄俗難共居  
紅顏不長好  
吾將跨大鵬  
神遊八極表

振衣望天漢六翩來長風翩翩佳公子胡為濁世中  
仰面看屋梁著書閱千古誰為揚子雲作計徒自苦  
長笑山中醪千日誇酩酊安得遊華胥萬劫時一醒  
巢由抱箕潁堯舜開虞唐何須論得失戚穀俱亡羊  
瞻堂十景為大叅徐公作

一環樓

底事愛樓居樓居自堪愛千峰翠若環不斷雕欄外

翫月堂

南峰流素華光彩蕩林樾胡床人未眠翫此瑤臺月

碧練湖

一鏡涵空明波光倒樓殿錯誦玄暉詩澄湖碧如練

古柏

移來蜀相祠魯息軒皇駕乍宵風雨聲恍惚蒼龍下

巖泉

何來千仞壑貯此百尺流莫令到人境畏引桃花舟

綠野堂

禾黍被郊原綠疇自高下何論十仞堂將築萬間厦

咫尺松楸

松柏啼烏鳥楸梧下雀羣咫尺親顏在無勞望白雲

人境舟車

悠然入境中舟車任來去底事論避喧本無喧可避

陽峽倒流

泠泠清溪水倒流向幽谷任洗高人耳不濯凡流足

峰霽金光

突兀金臺尖去天不盈尺中夜五雲飛正見蓬萊日

題大隱園芭蕉二首

年年學臨池赫蹏苦不足種取綠雲箋窗前三百幅  
六翮何飛揚含苞翳深樹朝來覓羽人共跨青鸞去

少室山房集卷七十

欽定四庫全書

少室山房集卷七十一

明 胡應麟 撰

五言絕句五十三首

程氏息園三咏

繡佛齋

蕭然丈室中焚香自朝暮  
昨夜文殊過窻前遍甘露

揮麈堂



盱衡長史鋒緩頰中軍筆門外真長來氣壓孫安國

卧雲館

愁看巫峽雲懶醉羅浮月靜夜楚天遙黃陵秋萬疊

題漁樵耕牧圖四首

持竿俯碧流莫學蟠溪客白首向岐周拋綸事西伯  
觀棋坐斧柯四面青山色回首一千年桃花爛春碧  
時邀石戶農耦耕放黃犢翻笑厯山人移情九州牧  
大隗在何方襄城亦奚有莫言五尺童曾稽軒轅首

題畫

四山晴送色孤榻午生涼  
伏枕無餘事幽禽噪綠篁

偶題四首

上下五千年縱橫三萬軸  
高憑百尺樓遠送乾坤目  
不讀昔人書那知當代旨  
自信阿龍超任將周顓比  
落落諸年少沾沾問字來  
莫嫌雙眼白白眼更慵開  
駱生去靈隱八咏何人識  
寥寥嫠女傍一片寒山石  
秋日同友人登蘭陰山小憩華嚴精舍作

支筇上寒山石磴連雲陟蘭若無人聲禪關墮黃葉

寄江雲樓

危樓倚太空裊裊一千尺美人期未來江雲四面入

寄松齋

箕踞長松下一齋大如斗白眼雙飛揚人間復何有

寄雪廊

虛廊寂無人飽看瓊瑤墮想像釋迦文頽然雪山坐

寄江離館

朝夢江離開夜夢江離落如何二十年不到江離閣右四

題俱朱在明園亭余未能往作此寄訊

出郭望西山諸寺二首

柳色帶平湖桃花拂釣艫斜陽下南垞一片輞川圖

西山四百寺寺寺金銀臺莫言去天遠回首見蓬萊

題祝生玉華館圖

孤亭竒華頂去天僅容尺時有牧羊兒招邀煮白石

題花石獅貓圖

長日花陰下安眠雪作膚玉人春夢醒何處喚狸奴

題朱光祿園中雜景十首

江離館

一夜江離花亂吐山房側喚取汨羅人窻間弄秋色

江雲樓

何年駕飛閣縹緲凌天風朝來五千丈半入江雲中

雪廊

羽扇白綸巾瑤琴坐來歇山童無處尋一片長廊雪

松齋

悠然四松頂置此六尺齋事事張功父何論十二釵

雨花菴

手持淨名經高座揮玉塵長爪何錚錚菴頭遍花雨

筠房

苦竹數百竿中藏室如斗試窺隔岸人可是王猷否

凝香室

博山燎沉水鳳巢擁羣娃雙烟結一氣爛漫凌紫霞

鶴院

感君刺臂恩聊此休六翮夜來警露聲時墮清音柵

嘯臺

鼓吹出層顛恍奏鈞天樂氣懾阮嗣宗聲從半空落

快閣

中天構層臺登臨何快哉披襟一長嘯萬里雄風來

題畫四首

半畝疎烟合危峰落照含蒼茫白雲裡有路入終南

右樵

禾黍滿前村桑麻自成邑千古桃花源秦人餘古蹟

右耕

平野何蒼蒼空林動寒影扣角晚歸來斜陽墮西嶺

右牧

隔岸遠山色蒼茫生暮愁孤舟烟雨際獨占楚江秋

右漁

題九華精舍冊為顯上人



五岳行蹤僻三山去路遐何如北窻外坐卧九蓮花  
張伯起幼予邀集別墅觀白公石戲贈

崢嶸十尺幽誰辨白公留試喚香山丈時時解點頭  
伯起園池中鴈鵝數十頭甚馴擾戲贈二首

暫去三冬候重來六月中何如隴山翼空憶主人翁  
為笑支公鶴凌雲杳莫攀羨他池上翼飛去復飛還  
憩陳從訓湘竹榻戲題

大夢全忘日清音半雜雲遽然修竹裡恍忽下湘君

嘲老杜

笑殺杜陵狂題詩欲斷腸寧知謫仙子捧研在沉香

余既賦瞻堂十景矣而意有未盡復三絕句寫之

翠蓋何亭亭蒼虬舞天半恍忽真人游金支夜璀璨

右古柏

瀲灩幽巖泉源流自東魯中有杏樹壇莫認桃花塢

右巖泉

一柱障中流，洪濤渺難越。已見迴百川，何論倒三峽。

右陽峽

題章氏園亭四首

偶逐武陵人，移家來絕巘。日暮碧桃花，沿洄出深澗。紅雲

鳴

長夏懶着冠，經旬閉門睡。偶來深院中，萬朵紅雲碎。英絲

臺

何年植此君，蒼翠壓林杪。十畝渭川雲，山童寒不掃。修筠

館

綽約孤亭中  
梅花鬪清絕  
高天一萬株  
亂灑羅浮雪  
玉萬

亭


題卷二首

世事了不聞  
峰頭數椽屋  
劇取華山雲  
長歌下空谷

右終南山樵

家臨洞庭口  
門對君山色  
微風卷釣綸  
萬頃湘潭碧

原闕



少室山房集卷七十一

欽定四庫全書

集部

少室山房集卷七十二至

詳校官編修臣翟槐

侍讀臣孫球覆勘

總校官庶吉士臣何思鈞

校對官中書臣王鍾泰

膳錄監生臣崔鶴立

欽定四庫全書

少室山房集卷七十二

明 胡應麟 撰

五言絕句三十九首

自淮上挂帆便風一夕遂抵梁下

淮水何湯湯布帆疾于矢一夜東南風吹船七百里

呂梁阻風

百尺牽大河一步一回首懊惱石尤風多于故人酒

題于生蘆雁四圖

落日燕山道寒風漢水波碧空秋萬里錦字數行過

右飛

不斷征人淚全消旅客魂一天疎雨過燈影暗長門

右鳴

漠漠秋清月蕭蕭野岸風寒蘆休揀盡全樹上林東

右宿

乍可餐菱苳那能畚稻梁數羣烟雨外恍忽似瀟湘



右食

寄居穀元池亭陳生為除室張榻酬以二絕  
雪阻燕山道風寒易水塵獨憐陳仲子掃榻待幽人  
一家猶道路十日寄并州幸借元龍榻安眠百尺樓

送祥光還白門四首

為愛三山色金焦問法幢一酌中冷水浮杯夜渡江  
布衲披雲去蒲團向月裁故園芳草色應遍雨花臺  
片錫長安去珠林照紫霞橫經高座寺講席半天花

四百南朝寺青鞋處處遊何方駐瓢笠古刹寄牛頭

為盛生明元贈淑卿二首

嘹唳鶯初囀輕盈燕欲飛應知杜陵老日日典春衣  
遠山眉綽約秋水睫潏洄好覓張郎畫無煩魏帝催

九日同莊靜父俞羨長登寶所塔

時歌者顧生戴黃花侑酒

突兀龍山色登高豁旅愁黃花亦無賴偏逐少年頭

河梁話舊十絕句送左轄吳公之山西

有序

憶壬午計偕晤莆田吳公於白下僅京兆府

一交臂耳其明年吳公遂以上第敷翦列藩  
飛沉異途垂二十禩庚子秋羈寓武林吳公  
以右轄破例存枉屈指舊遊杳若陳夢而吳  
公氣誼繚篤不啻久要未幾而公有晉中左  
轄之拜河梁斜日揮袂黯然漫述短歌以代  
驪唱通計前後都得十篇興集神流亡論工

拙

吳公別  
號霞城

粲爛朝霞色峰頭慢作亭長城一萬里天接太行青

太行何崔魏千崖界空紫異日吳使君功名亦如此  
使君本人傑挾策遊蓬萊朱顏映綠鬢片諾雨花臺  
雨花臺上游黃金館頭別一鳴空騷羣排雲叩閭闔  
閭闔皇皇開青袍脫蒙茸烜如太阿劍白晝飛神鋒  
神鋒入腕飛青冥掣雷電上考書吳公第一明光殿  
明光寄陝服朱旛滄海頭東方簇千騎出入偕軒輶  
高軒惠然來光照寒士寓笑揖大將軍爭誇汲長孺  
已論汲生顛祇益衛侯賢何限飛沉事黃梁二十年

分攜二十霜騰蹕九萬里高咏河梁篇涕淚盡知己

再送左轄吳公十絕句

有序

公將以便道還七閩却赴晉轄之擢余詞有  
弗盡寫者後十絕所繇續也

一代絲綸寄千秋保障名高牙擁大旆西入晉陽城  
白頭徒自新傾蓋儼如故蔽芾越東西棠陰十萬戶  
飛鴻遊碧漢尺鮒泳滄浪脉脉窮交意相看大海旁  
當年京兆府一面覩荊州詎意飛騰速鱗符覲玉旒

百吏咸趨風千官競迴席人生得意年天門騁八翼  
旬宣既南國保釐復西土著繡還故鄉朱節震華鼓  
靈泉滙九滌瀕洞浮蒼雲飛書乞佳夢為報九何君  
左淬莫耶鋒右淬干將鏑宇宙兩神龍延津當晝躍  
樓船濟汾河中流渺雲霧耐可鮮荔枝不到桑乾渡  
爛爛承明廬上考書第一白首洛陽才呻吟卧蓬蓽



少室山房集卷七十二



欽定四庫全書

少室山房集卷七十三

明 胡應麟 撰

六言絕句三十三首

長夏閑關散髮高卧吟誦之暇時或焚香鼓琴  
殊有羲皇之適信筆六首

開卷小酬歲月出門便畏風塵十洲三島遊客萬壑千  
峯主人

誰言名教樂地懶著沐猴衣冠午睡不知日落晏起欲  
廢朝餐

科頭不出城郭散步或傍簷楹前身灌園處士今代閑  
戶先生

尼父六經日誦鄴侯四部時開領取千秋萬世從他九  
棘三槐

小草自甘慚忸大椿終古逍遙不夢有莘五鼎高挂箕  
山一瓢

東郭飛花晏坐北堂芳杜晨興迴馭王陽自得絕裾溫  
嶠何能

題畫四首

桃花夾水千樹柳色垂堤萬重何處數聲雞犬人家只  
在前峰

南澗新篁雨過西嶺長松日斜散髮孤亭相對忘言一  
卷南華

窻北寒光露滿籬東暮色雲低地僻黃花自採天空白

酒誰攜

千嶺槎牙古樹萬峯搖落孤梅試問長安高卧何如剡  
曲空迴

端居述懷六首

千劫總歸眼底萬緣不入胸中散髮狂歌宇宙側身高  
卧崆峒

朝見許由行遜暮看虞舜明揚黃屋翻成重累不如枯  
坐禪床

千古登壇大帥一時出塞諸侯試較兩家得失莫將毛  
穎輕投

戶外時時獐狗床頭日日晨雞可道敬通戚戚須知玄  
靖栖栖

爛漫圖書自惜蕭條門戶誰持莫笑枚乘年老遊梁剩  
見佳兒

二女九男有底三公七貴無由架上乾坤萬卷毫端日  
月千秋

園中四時歌

春

北郭尋芳冉冉西園載酒遲遲曉日含花紫燕春風繞  
樹黃鸝

夏

午日陰陰枕簟涼風習習窻紗綠染芭蕉一丈紅舒菡  
萏千家

秋

偶約南鄰二客扁舟湖上從容不省停橈何處秋光萬頃芙蓉

冬

白恰孤吟蹇衛紅裙低唱羔羊何似陶家學士龍團煮雪谿堂

客歲病留瓜步且三月今年春仲復過此值江魚大上每至友人家玉尺銀條咄嗟便具殊厭饒口余越中不能爾也

夜夜三更澌水年年三月揚州飽食河豚江鱈何論越  
鳥吳牛

富貴曲十二首

翠靨霞生玉鏡紅粧日耀金鈿後院花開百合前庭柳  
學三眠

妙舞誰同靜婉清歌莫辨嬌婉綺閣珠簾半捲畫堂銀  
燭高燒

膩玉搓成素頸鬆雲綰就烏絲乍夜靈光賦就人人高



唱新詞

灼灼朱唇澄霧亭亭素面迎風夜合花梢月上王昌近  
在牆東

西北浮雲隱隱簾垂百尺高樓羅袖風前試卷玉釵斜  
撥箜篌

寶牒參差步障銀缸爛漫窻紗一掃如椽萬字酣歌笑  
擁如花

杳杳笙歌院落煌煌燈火樓臺十二金釵對舞三千玉

蝶齊開

縹緲湘裾曳地翩  
翩襪凌波院院紅  
綃國色莫將磨勒  
來過

趙媛燕姬作隊秦  
娥衛女成行盡日  
綸巾羽扇絃歌豈  
寇花傍

驟見爭如易別相  
思入骨難禁南陌  
花開並蒂西陵草  
結同心

鳳輦晨遊綺陌羊  
車夕叩紗窗長信  
宮中第一昭陽殿

裡無雙

日暮木蘭舟上羅裙玉腕從容北浦遙通菡萏西洲競

採芙蓉

少室山房集卷七十三